

Bosna i Hercegovina
FEDERACIJA BOSNE I HERCEGOVINE
USTAVNI SUD
FEDERACIJE BOSNE I HERCEGOVINE

Broj: S-62-2/25
Sarajevo, 10.11.2025. godine

Predstavnički dom Parlamenta
Federacije Bosne i Hercegovine
n/r Predsjedavajućeg, Dragan Mioković

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 11-11-2025			
Org. jed.	Broj	Priloga	Vrijednost
05/1	- 02 -	685	125

Predmet: Odgovor na zastupničko pitanje
Veza: Podnesak Vaš broj: 05/1-02-685/25 od 5.11.2025.godine

Vezano za zastupničko pitanje zastupnika Kajan Sanela dajemo odgovor kako slijedi:

Ustavni sud Federacije Bosne i Hercegovine je u više presuda ocjenjivao ustavnost obilježja određenih kantona u Federaciji Bosne i Hercegovine kao i korišćenje termina „županija“ (Presude broj: U-7/98 od 7.7.1998.godine objavljena u „Službenim novinama Federacije BiH“, broj: 34/98; Presuda broj: U-24/98 od 10.11.1998.godine objavljena u „Službenim novinama Federacije BiH“ broj: 3/99; Presuda broj: 25/98 od 10.11.1998. godine objavljena u „Službenim novinama Federacije BiH“, broj: 5/99; Presuda broj: U-12/99 od 29.3.2000.godine objavljena u „Službenim novinama Federacije BiH“, broj: 48/00; U-13/99 od 4.11.1999.godine objavljena u „Službenim novinama Federacije BiH“, broj: 15/00; Presuda broj: U-48/17 od 18.7.2018. godine objavljena u „Službenim novinama Federacije BiH“, broj: 56/18).

Ustavni sud Federacije Bosne i Hercegovine je svojim unutrašnjim pravnim aktima propisao provjeru izvršenja njegovih presuda od 2011.godine, te su preispitivanju izvršenja odluka Suda obuhvaćene presude iz perioda od 2002. godine pa do danas. Dakle, Ustavni sud Federacije Bosne i Hercegovine nema informacije o tome da li su izvršene konačne i obavezujuće presude Suda, donesene prije navedenog perioda od kada prati njihovo izvršenje, izuzev posljednje navedene. U odnosu na navedeno pitanje sve presude ovog suda bez obzira kad su donesene su konačne i obavezujuće.

U odnosu na presudu ovog suda broj: U-48/17 od 18.7.2018. godine, u procesu provjere njenog izvršenja, a napominjemo da je Premijer Federacije Bosne i Hercegovine nadležan da omogući izvršenje odluka suda, doneseno je Rješenje broj: U-48/17 od 19.11.2019.godine kojim je utvrđeno da nije izvršena njegova presuda i to Rješenje je također objavljeno u „Službenim novinama Federacije BiH“ broj: 92/19.

U skladu sa procedurama pred ovim sudom, a u smislu člana 61. Poslovnika Ustavnog suda Federacije Bosne i Hercegovine („Službene novine Federacije BiH“, br.: 40/10 i 18/16) osim objave u službenim glasilima ovaj sud je o neizvršenju ove njegove odluke obavijestio i Zastupnički dom i Dom naroda Parlamenta Federacije Bosne i Hercegovine, te takođe, aktom broj: S-47-12/19 od 20.12.2019.godine i Federalno tužilaštvo Federacije Bosne i Hercegovine radi eventualnog poduzimanja mjera iz njihove nadležnosti.

Uobičajno, kada ovaj sud utvrdi da njegova odluka nije izvršena, donosi odgovarajuće Rješenje koje se objavljuje u „Službenim novinama Federacije Bosne i Hercegovine“, te o


istom obavještava Federalno tužilaštvo Federacije Bosne i Hercegovine. Do danas, pa i u ovom posljednjem slučaju, obavještavani smo da je donesena naredba o neprovođenju istrage.

Upućujemo Vas da je donošenjem rješenja i njegovom objavom u službenim glasilima postupak vezan za izvršenje presuda pred ovim sudom okončan, te se za eventualna druga pitanja možete obratiti Premijeru Federacije Bosne i Hercegovine i Federalnom tužilaštvu Federacije Bosne i Hercegovine.

S poštovanjem,



Predsjednica
Ustavnog suda Federacije
Bosne i Hercegovine


Aleksandra Martinović